


絳帖平

三三六

九	二	七	七	漢書門
二	一	〇	四	類
冊	架	函	號	

元	九	漢
一	二	書
架	冊	類

內閣文庫		
番號	漢	9274
冊數	2 (2)	
函號	297	121



絳帖平三



晉太尉庾元亮書

亮白奉告書箱先為媿子作輒先以奉之研今作
之支髮枕今作無作摸若有可權付之亮再拜

媿音氏又音啼江淮呼母為媿此當是以名小兒耳王
僧虔云庾征西少時與右軍齊名右軍後進庾猶不分
在荊州與都下人書云小兒賤家鷄皆學逸少書須吾

絳帖平三

淺草文庫

下當比之觀此帖誠去右軍遠矣亮字元規誤題曰元
亮

晉車騎將軍庾翼書

故吏從事中郎庾翼參軍事劉遐死罪白昨所啟
廢遺益鼎所請求述上事事須檢校詔論光駕當
出請不從諸錄事中郎共詳處別白謹啓翼遐死
罪死罪

已向李春感慕兼傷情不自任奈何奈何溫和足

下何如吾哀勞何賴愛護時不足下頃氣力孰若
別時

庾翼亮之弟嘗為陶侃府從事中郎晉有兩劉遐其一
太寧二年以平王敦功封泉陵公其一南岳魏夫人之
息此泉陵也黃云此啟當是與侃二庾皆以能書名此
不能佳

第二帖贗作

晉太守沈嘉長書

十二月十三日嘉頰首頰首歲有感懷深寒切想
各平安僕勞弊遣不具沈嘉頰首頰首

述書賦云長茂艸勢既挺而踈慕王不及右獨斷所如
由鷲鳥擊而失中因踳蹬於古躔此帖廣可知嘉字長
茂題作嘉長亦非

晉侍郎杜預書

十一月十四日預頰首歲忽已終別久益兼其勞
道遠書問又簡間得來况知消息申省次若言面

親故數移轉想祖父自具云也祖父如足下來言
小大云具絕女親親也有信數附書信以慰吾心
也

杜征南第一帖筆畫稍佳而措辭非古黃云或是江左
人書第二親故帖大體與皇家第二帖崔子玉帖同語
亦似崔帖皆偽也

晉王循書

七月二十四日循詹頰首秋月感思深得近示為

慰餘熱比後可不僕疾患故尔不平復頓勿力書
不宣王循詹頓首

米云王循馬攸王劭劉壞之劉穆之王欽張翼陸雲山
濤十壹謝發羊欣與章一手偽帖

晉劉超書

超死罪白如命皆令有本末保任然後受隨宣分
處謹白

此帖與庾翼第二帖同一手偽書按超為人忠清慎書

跡與元帝相類乃絕不與人文書述書賦云元帝之用
筆可觀世瑜之呈規仰似世瑜超字也此帖與元帝大
別其偽可知

晉散騎常侍謝璠伯書

此計江東精兵不可卒得唯當善養見者而事慮
日多如比來憂懷實已萬端

江東謂吳中也項羽所謂江東父老者也此侶右軍論
時事帖書亦甚似但已經唐臨失其精妙處尔

晉謝莊書

弟昨還方承一日忽患悶當時乃爾大惡殊不易
追企恒想諸治昨來已漸勝眠食復云何頃日寒
重春節至居患者無不增動今作何治眼風不異
耳指遣承問謝莊白呈左僕射

謝憲子書全倣子敬風氣殊佳按史莊素多疾與大司
馬江夏王義恭牋自陳兩脇癖疾眼患五月來便不復
得夜坐此云眼風不異耳當是此時書也爾時蕭思話

為左僕射愛才好士人多歸之此帖當是與蕭啟莊宋
人誤題為晉

晉劉瓌書

瓌之頓首頓首朱陽遠感罔知有患耿耿知以自
屈恨不相見力及不比望瓌之

劉瓌之善八分大令既不肯書太極殿榜謝安遂令瓌
之以八分題之此偽帖也黃云與王廙二十四日帖無
異題欠之字

晉黃門侍郎王徽之書

得信承嫂疾不減憂灼寧復可言吾便欲往恐不見汝等湖水泛漲不可渡遂復隔絕不然尋已往彼故遺疏知吾遠懷不具徽之等告

王右軍七男見十七帖凝之操之徽之渙之獻之並有書跡傳世下二子玄之肅之書跡不傳黃云集帖者不惟失諸子之序而誤以坦之參其中意謂坦之亦右軍子也殊不知坦之王述子乃太原族右軍乃郎耶族耳

按史右軍嘗謂其諸子曰吾不減懷祖而位遇懸邈當是汝輩不及坦之故耶

右軍家山陰湖水泛漲謂鏡湖也

王坦之書

坦之惶恐言不知已矣謝郎論坦之事未其意良不了者今當諸公自陳願告之坦之惶恐言

此帖中言謝郎佞指謝安安為僕射時坦之為北中郎將徐亮二州刺史觀其稱公非亮尚書令王彪之即會

稽王道子也何以知下云惶恐言乃與所尊者啟耳筆
差不凡工夫

晉王渙之書

渙之等白不審二嫂常患復何如馳情倫直等平
安計嫂倫奴已應在道企遲適東五日動靜取差
速姑如復小勝莫遂和耳猶不寧餘上下故常患
及側此悉佳渙之等白

渙之此帖或是大令書倫直皆王氏女子大令屢言之

姑如復小勝王右軍妹適曹者所謂曹妹也餘上下故
常患姑上下三字頗難辨

晉王操之書

操之等近得識婢書慰意知年光數問可不不得
姜順消息懸心操之頓首

此帖當是好事者集大令帖中字為之搽婢姜順消息
等字皆同但熟觀大令帖方知其為集字也祕閣續帖
中操之自別有艸蹟帖與此大懸足了此為偽艸近字

欠末後一筆故諸家釋為上

晉王凝之書

八月二十九日告庾氏女明便授衣感逝悲歎念
增遠思得郗中書書說汝勉難安隱深慰懸心漸
冷產後何似宜佳消息吾並更不佳憂之遣不次
凝之等書

案史郗愔常為中書侍郎又為臨海太守與姊夫王羲
之高世許詢並有邁世之風愔蓋凝之舅也所稱郗中

書即愔也庾氏女似是凝之或徽之女女子已嫁從其
夫姓猶陶淵明所謂程氏妹也但不曉古人父與女書
而稱名祕閣續帖有徽之與女帖末云徽之等告亦不
可曉然謝安與其猶子書乃云父告何也予意已行之
女古人以客禮待之故稱名勉產也今俗間謂之分免
漢書許后傳今皇后當免身大令阮新婦勉身得雄亦
如此

右邊少四子黃云此皆得家範而體各不同是善學逸少

者顏延年對宋文帝論其諸子自謂竣得臣筆測得臣
文英得臣義躍得臣酒書亦猶是也僕今以擬王氏諸
子則逸少之書凝之得其韻操之得其體微之得其執
漁之得其貌獻之得其漁予觀世無真跡久矣未易作
許平也

晉海陵恭侯王邃書

寒位不張承婚事云何是良對足不可時令知女
決也王邃白

邃書亦不落流俗可喜

晉征西司馬索靖書

七月二十六日具書靖白雖數相問不解勞倦信
至得書喜知景云宅及計來東言展有期索靖白
索靖帖字皆作古體山谷云此字筆端意長誠不可及
長沙古帖中有急就章數字劣於此帖黃云靖七月
二十六日帖本七紙晉王平南廬每寶說之值永嘉之
亂乃四疊綴衣中以度江唐蒲州桑泉令豆盧器得之

疊跡猶存今所錄惟一紙耳摹傳失真無復意象予觀
信至得書喜知棄云完及計來東者云、山也漢書泰山
郡蒙陰縣有云云亭所謂禪云、者也棄云完者猶杜
詩所謂春完棄汝去也計者上計吏也來東者猶詩所
謂我來自東也按史蹟嘗為魯相豈有故人未仕者在
云、耶此數語人多不曉喜知棄三字又訛當以理會
劉禹錫嘉話云改陽詢見索靖所書碑駐馬觀之良久
而去行數百步復還下馬立觀疲倦即坐因宿其旁三

日而後啟行欣然若有所得

晉侍中劉穆之書

亦知足下家弊耳倉卒無祿官推遷不得不相用
事已御出寧復吾所得迴復足下且當就之公還
當思更律昏申師情事也劉穆之白

劉穆之雖晉人實劉裕之敬相耳穆之與宋齡石嘗于
武帝坐答書自旦至日中穆之得百函齡石得八十函
而穆之應對無廢足見其敏此帖偽

晉車騎將軍紀瞻書

瞻白昨信來

今蓋又貧家無以將意今粉

二斗以香所謂物微意全者也力書不多瞻頓首
昔云觀物微意全等語不待見書知其偽予謂瞻晉名
儒心不作此帖官終驥騎非車騎也凡偽帖中不可解
者皆不合妙法

晉太守張翼書

二十三日賴翼頓首節過多懷得近書為慰意以

何如深勞弊頓曳力還不具

王僧虔評書云王右軍自書表上晉穆帝帝令翼別寫
題後答之右軍當時不別久後方悟云小人幾欲亂真
此帖偽作可見

晉陸雲書

三月十六日雲白春節餘不逼得示知足下平安
為思面示知何由如何信數之及卿既清還可之
經高言人歎之當令征南取之也

陸雲帖與紀瞻帖同一手偽作

晉中書令王愷書

得示知足下問吾故不差殊勞勞力不具王愷書
豫丞相導第二子書兩行極佳竇蒙云愷洽皆不見真
跡不知官帖何從而有二人書也

晉太守山濤書

侍中尚書僕射奉車都尉新沓伯臣濤言臣近啟
崔諒史曜陳准可補史部郎詔書可再此三人皆

衆論所稱諒尤質止以卒可似敦教雖大化未可
倉卒風尚所勸為益者多臣以為宜先用諒謹隨
事以聞也

七賢帖中有山濤書已是李懷琳偽作此帖亦偽黃云
恐是寫當時語耳亦非也濤為奉車都尉時未為侍中
後為冀州轉北中郎將鎮鄴乃入為侍中遷尚書此見
其妄且濤為侍中奉車都尉時銓選非所典掌不應擬
此三人為郎以此見好事者假託山公啟事之名而為

絳帖平三

之

絳帖平三

絳帖平四

天

晉侍中下壺書

足下佳不朝北中郎上獲諸誠文墨至便在舍事

許改受子帝下物知此州勿令一人見也吾今勅

書事令不發亟付卿發使密令人房之下壺白

壺誤題作壺發使密令人房之房防古通

晉謝發書

各帖平四

晉安素自強壯且年時尚可當延遐期豈謂奄至
於此自畢遠境二三惋愕不能已已未歆昔同悲
酸悵、想不久可得遠耳執筆惻感

晉安如陶詩殿晉安之類以上二帖語雖古而書非晉
置晉安郡今福州梁簡文所封

宋特進王曇首

昨復啟差可然不過佳諸示所宜加更增劇恐難
為力耳未能令遺俗有餘念故耳王曇首和南

王曇首名照然有一首字而王著遺之劉亦不覺其非
釋為答也曇首事宋文帝以太子詹事侍中卒年三十
七當時稱王詹事未嘗為特進也

宋中散大夫羊欣書

三月六日欣頓首暮春感摧切割不能自勝當奈
何奈何得去六日告深慰足下復何如脚中日勝
也吾日樊難復令自顧憂歎情想轉積執筆憎惋
足下保愛書欲何言羊欣頓首

羊敬元年十二時王子敬是知愛之夏日著新絹裏畫
寢子敬見之書裏數幅而去欣書本工因此彌善王僧
虔評書云欣書見重一時親受子敬行書尤善正乃不
稱名表昂評書云欣書似婢作夫人拳止羞溺終不似
真蓋詔不盡力於正書也而史稱其善隸書何耶欣自
有筆精帖傳于世此帖偽作謝發去執筆惻感此云執
筆憎惋字雖大小真行不同觀其筆勢乃一人所作耳

宋太常卿孔琳書

七月深酷撫膺崩叫心肝分膾尋繹懷懷觸感隕
絕孤思悵自郡地窮當奈何不孝奈何念痛悼
難勝得去月二示知君所患故尔不差是有幽悵
熱盛比復何似想已轉佳眠食極勝也善將治之
孤子並疾患歎其恨恨脚中轉劇近服散未覺益
悵頓何賴扶力迷甚不次孤子孔琳奈何頓首
孔琳之字彥林題欠之字會稽人宋太常善州隸此帖
縱逸亦可喜竇泉述書賦亦稱其隳速也大抵右軍以

章自艸章
当作艸

前書法真自真行自行章自章章自艸王子敬年十五
六時啟其父乃於行艸之間別叔新體故當時傾慕年
薄謝朓之徒一時爭效而正行之體壞矣蓋行艸為書
不惟便於揮運而不工於字但能行筆者便可為之知
古之士不貴也自唐及今書札之壞實由於此蓋縱逸
甚易收斂甚難人心易流宜其書之不古甚者及以學
古為拘良可歎也今欲觀古人正行蘭亭叙玉潤帖之
類是凡學者當知之黃云此帖恨恨等十二字偏小蓋

行間側注摹帖者妄以入行耳當依本為勝子按王僧
虔伎錄載漢魏樂府歌辭皆有側注也自地之間一字
不可曉諸家作郡未是示君用作知字雖失猶有理歎
具或作歎歎迷下一字不可曉恐是書字欠一筆服散
黃作明散恐是摹失

齊侍中王僧虔書

臣僧虔啟南臺御史謝憲乃堪駟使臣門義舊粗
是所悉統內新故雜米數十萬斛寔須督切憲今

諸假在此臣欲折以統攝庶得速辨其類經督運
已有前效謹以啟聞伏願聽許謹啟

王簡穆郎耶人書名齊代此帖雖佳亦應失真簡穆自
謂正書第一今觀其位置未為盡善蓋自子敬以後楷
法不古宋齊人喜効子敬行艸故於正書不甚用王也
然簡穆特善評書言必稽古未嘗以己意定高下又與
齊高帝較書之優劣其言不讓亦猶子敬自稱過父當
時人所重書名如此

隋僧智果書

梁武帝評書從漢末至梁有二十四人王僧虔書
如揚州王謝家子弟縱復不端正奕奕皆有一種
風氣王子敬書如何朔以年皆充悅舉體皆拖而
不可耐羊欣書似婢作夫人不堪位置而拳止羞
洪終不似真既研書如貴胄夫品次不復排突英
賢王儀同書如晋安帝非不處尊位而都無神明
殷均書如高麗人抗浪乃不有意氣而姿顏自足

精味徐淮南書如南崗士大夫徒尚風軌然不寒
乞陶隱居書如吳興小兒未成長而骨體甚峭快
吳拖書如新亭傖父一往似揚州人共語語使態
出柳產書如深山道士見人便欲退縮曾喜書如
經綸道士言不可絕王右軍書字勢雄強如龍跳
天門虎臥鳳崗故歷代寶之永以為訓蔡邕書骨
氣洞達爽、如有神力程曠平書如鴻鵠弄翅頤
頰布置初雲之見白日蕭思詒書如舞女低腰仙

翅

人嘯樹李鎮東書如芙蓉之出水文彩如鏤金桓
立書如快馬入陣隨人屈曲豈復文譜范懷約真
書有分草書無功故知簡牘非易星象書如韻音
統梁孤飛獨舞孔琳之書如散花空中流徽自得
李嶽之書如鏤金素月屈玉自照薄紹之書如龍
遊在霄繡綵可愛秦獄吏程邈善大篆得罪始皇
西陽獄增減篆體志其名名其書曰隸也扶風曹
喜後漢人不知其官善篆及隸篆等以思李斯見

重一時耶鍾司徒書字有十二種意外巧妙絕倫
多奇崔子玉書如危峯阻自孤松單枝耶鄭淳書
應規入矩方圓乃成師宜官書如鵬翔未息翻
而自逝梁鵠書如龍威虎震劍拔弩張張伯英書如
武帝愛道憑虛欲仙衛恒書如插花舞女拔鏡笈
春索靖書如飄風忽舉鷲鳥乍飛鍾繇書如雲鶴
遊天群鴻戲海行間茂密定亦難過耶

按梁武論鍾繇書有十二意均閒平直疎密損益之類

至唐傳其法解釋尤詳此云鍾司徒書有十二種意
外巧妙絕倫多奇未知是前十二意不然則傳流之差
以元常為司徒或司徒又自有十二種意外巧妙過其
艾耶

書評乃梁武命表昂作非武帝評也事見法書要錄據
此帖止有三十人而西曹喜法書要錄云表崧書如深
山道士見人便欲退縮蕭子雲書如經綸道人言不可
絕以此知智果誤以表崧為柳產子雲為曹喜也然兩

書所載人名數各不同

王僧虔 王子敬 羊欣 阮研

王儀同 殷均 徐淮南 陶隱居

吳拖 柳產 曹喜 王右軍

蔡邕 程曠平 蕭思話 李鎮東

桓玄 范懷約 皇象 孔琳之

李嚴之 薄紹之 程邈 扶風曹喜

鍾司徒 崔子玉 邯鄲淳 師宜官

染鵠 張伯英 衛恒 索靖

鍾繇

右三十三人官帖

王僧虔 王子敬 羊欣 阮研

王儀同 殷均 徐淮南 陶隱居

吳拖 袁崧 蕭子雲 崔子玉

師宜官 韋誕 蔡邕 鍾司徒

張伯英 索靖 染鵠 皇象

衛恒

孟光祿

李斯

鍾繇

逸少

蕭思話

薄紹之

右二十七人法書要錄

其它尚多祇悟世無善本可較按智果智永同是辨才弟子果得右軍骨永得右軍肉自以能書名永書固為妙絕果書如此未為高古也黃云此字局束天然少疑非智果按梁武帝藏鍾張二王書至多嘗使虞酥陶隱居輩訂證不獨表昂也

隋朝法帖

皇帝敬問整州雙林寺慧則法師朕尊崇聖教重興三寶欲使一切生靈咸蒙福力法師捨離塵俗投志法門專心講誦宣揚妙典精誠如此深副朕懷既利益群生當不辭勞也猶寒道體如宜令遣使人指宣往意

隋朝帖當是史筆薄有吏氣予嘗見唐吏筆亦如此

宋儋書

自一接拜情同弟兄沈吟緬懷固非小子之所勤
及也榮質前謝恐非昔賢共獎之道晦事勿語且
絕詩人匪報之實違徊循躬倘後未已殆將有衣
矣足下多可不怪高情內含如筠斯清比蕙又暢
倍不以感氣厚而修詎自廣不以撫已多而私頌
作德未致力謝馳懷宣書何陳為一也棟息今秋
盡野外州木變衰長郊蕭條風物淒緊清都久客
莫後相親足下退食公庭睡罷私室擲沫晞晷收

視解聽豈念歲卒不待厭倦為旅之士哉頃昔釀
玉初令絃絲正調竟欲左携鄭君幽指葉妙右對
董叟高談道微情酣世忘浩立塵靴思足下能順
試是具事為如何哉時聞真聲迥聞笙鶴此復異
於人境耳或以息宴可以嘯歌久不間然期今日
之事也倚候騎氣自豫光臨幸甚謹馳疏不得一

一宋倍白

案竇泉述書賦云宋倍李璆擅美中州李斯王而意淺

宋効鍾而體流注云儋字藏諸廣平人高尚不仕書作
鍾體而側戾放縱黃氏深不取其書以為但作側戾殊
夫天勢東坡山谷殊不喜其文乃云其人不解此狡獪
書便不足觀前輩之各取不同如此然而譬之查絮摘
袖終不可棄也

絳帖平四

絳帖平五

德

絳帖中此一卷皆晉代名賢之妙蹟惟王虞二十四日
帖謝安後一帖是贗餘皆可以為師法

晉中書令王洽書

洽白辱告承問洽故尔劣劣莫以復叙還白不具
王洽再拜

洽頓首言不孝禍深備嬰荼毒蔭恃止兄仁愛之

訓英終百年永有憑奉何圖慈兄一旦背棄悲號
哀摧肝心如抽痛毒煩冤不自堪忍酷當奈何痛
當奈何重告惻至感增斷絕執筆哽噎不知所言
洽頓首言
洽頓首言兄子號毀不可忍視撫之摧心發言哽
慟當復奈何奈何洽頓首言
洽白向感塞不成叙得告承同殊之劣白不具王
洽再拜

十疑
作子

王領軍敬和丞相第三十右軍之從兄也王僧虔評書
云領軍謂右軍曰弟書遂不減吾愛古制今惟右軍領
軍不尔至今猶法鍾張今觀此帖清逸閑雅真不在右
軍下也

晉司徒王珉書

珉頓首頓首此年垂竟悲懷無割不自勝奈何奈
何寒切體中比何似甚耿耿僕疾遂不差眠食以
憂深遣書不次王珉頓首頓首

十八日珉白此一書整至未更近問懸情不適比
何不吾羸疾故尔憂深力書不具王珉敬問何如
僕故頓斂力書不次王珉頓首頓首上下何如僕
上下上下大都蒙恩得書至之吾具 今欲出耳
吾此月亟遣廿四是王濟祖日欲心赴卿可尅過
明吾當下解相待食出亦遣報既至王家畢卿可
豫擬光公令作一頓羹食可投其飯也王珉前報
王小令珉洽之子善行書子敬云弟書如騎驢駁、欲

度驛驢前代子敬為中書故世謂子敬為大令珉為小
令卒贈太常不為司徒也書視敬和為小芳兵元琳王
當雁行第四帖尤奇王濟當是人名祖日者祖餞之日
尅過此也兵逆少帖安石昨必欲尅潘家尅二十五日
同陳子昂表云除此之際未有尅期至今陰陽家謂之
尅擇黃云小令此年帖本唐人所云與二種虞松三帖為
一卷珉帖末云輔國司馬君筆勢婉雅與此間矣此亦
無後五字

晉司徒王珣書

三月四日珣頓首末冬衆感得七月書知問寒何
如就弊憂之劣不具王珣頓首白

元琳季琚之兄誤列在後帖中如此多矣山谷云衆感
字皆佳

晉侍中王廙書

二十四日廙白唯久白想適妙來行未面遲想得
示知同云冀何坐相見近及不多王廙白

臣廙言臣祥除以復五日窮思永遠肝心寸截甘
雪應時嚴寒奉被手詔伏承聖體御膳勝常以慰
下情臣故惠旬滿氣上頓乏匆匆慈恩垂愍每見
慰問感戴屏營不勝銜過謹表陳聞臣廙誠惶頓
首頓首死罪死罪

臣廙言昨表不宣奉賜手詔伏承聖體勝常以慰
下情不審處昔復何如承鄭夫人乃尔委頓今復
增損伏惟哀士慈存益勞聖心謹附承動靜臣廙

言

七月十三日告藉之等近日遣王秘書不言月行
 復半念汝獨思不可堪居奈何奈何雨涼不差嫂
 何如汝所患遂差未懸心不可言阿母蒙恩上下
 悉佳宜可行
 瘡如復斷要取未斷愁人宜復其日發與別惘惘
 不可言今遣使未北及書不具白復會日消息虞
 疏

王世將從王敦之命為平南將軍故晉人多稱為王平
 南及贈侍中書為明帝師書為右軍法遇江右軍前平
 南為最今觀後二表真有鍾元常之風祥除表世別有
 全本後云具官臣王虞上此欠一行七月第一帖筆意
 清遠天下之佳書黃云世將信能鍾氏筆意山谷云王
 侍中學鍾絕近真行皆好如此書乃可師學而涼不下
 一字不晚諸家作悉後有悉佳字不尔

晉太宰高平郗鑒書

鑒頓首頓首災禍無常奄承遺難念孝性攀慕兼
刺不可堪勝奈何奈何望遠未緣叙苦以增酸楚
鑒頓首頓首

老部雖非膺校官帖為無韻實篆云博哉四使茂矣六
部今存其三攀字下省一筆極佳

晉侍中郗愔書

九月七日愔報比得章知弟漸佳至慶想今漸勝
食進不新羗難將適猶懸憂遣不具愔報

比書想悉達日涼弟佳不及數字愔報

遠地何他王右軍竟去不付石首干一節

想親親今悉如常敬豫何當來即道祖故未善差

恒在尚書不見來多日

山谷云郗方回書初不減王氏父子方回右軍婦弟書
固常佳第二帖似缺父石首干即乾也古謂干鵠二字
王通用敬豫玉帖字丞相子道祖未詳

起當作超

晉中書郎郗起書

超言遠近無他說苟無問者定虛耳云段龔歸順
不知審不王江州為宗正似已定前所傳者虛妄
耳異同自旨啟超言

按晉地理志石季龍末遼西段龔自號齊王據青州永
和七年龔以青州來降以龔為鎮北將軍封齊公帖中
言段龔歸順以此又按史亮庚子後逸以為江州王允
之繼之此咸康建元之間太龔歸順尚十許年不知何
為尔也書亦不工

晉尚書令衛瓘書

瑱州民衛瓘惶恐死罪中闕音敬望想盡懷在外
累年始尔得還情甚踴躍旦至三十里上須節度
明日乃入奉說欣承福祚日白不具瓘惶恐死罪
死罪

瑱州民衛瓘瑱字下當有一首字古無瑱州瓘河東安
邑人若以為瑱丘又在衛地了不相干也瓘與索靖俱
善艸隸魏一臺二妙雖嘗為尚書令終於太保山谷云

衛中令音敬帖近世艸書不復敢望其藩此一章語亦
佳

晉黃門郎衛恒書

一日有恨知問未面為嘆欲七日云邪恒白

恒即瓘子其論四體書極有源流非後世所及也王簡
穆云二衛書無以評其優劣但見其筆力奮異耳此帖
皆似失真亦見上字卷

晉太傅陳郡謝安書

安頓首頓首每念君一旦知窮頓寃號慕觸事崩
踊尋繹荼毒豈可為心奈何奈何臨書悽惻安頓

首頓首

六月十日具記道民安惶恐言此月向終惟祥變
在近號慕崩慟頓寃深酷不可居處比奉十七十
八日二告承故不和甚馳灼大熱尊體復何如謹
白記不具謝安惶恐再拜

安石書不在大令下故不甚重大令書也六月廿日帖

米云贖誠然黃以為傳摹失真過矣山谷云道民安蓋
事五斗米道者右軍為獻之女玉潤請罪亦稱民也又
云謝太傅墨跡聞駙馬都尉李公照有之不作娑媚態
度恨不見尔但如此太右軍父子間可著數人

晉散騎常侍謝萬書

七月十日萬告朗等便流火感傷兼切不自勝奈
何奈何轉涼汝等各可之知近聞邑邑吾涉道動
下疲乏勞劣力及不具告父疏

萬石人品在安石下當時有攀安提萬之語書亦然然
總謂之二謝朗萬兄之子而自稱父告亦猶踈受謂踈
廣叩頭從大人議蓋古人之諾父猶父也聞兵問同

絲帖平五

各帖平五

絳帖平六

[Faint bleed-through text from the reverse side of the page]

絳帖平六

山谷

晋王羲之書

山谷云右軍筆法如孟子言性莊周談自然從說橫說無不如意非復可以常理待之又云王氏書法以為如畫當作畫雖畫沙如印印泥蓋言鋒藏筆中意在筆前耳承學之人更用蘭亭永字以開字中眼目能使學家多拘忌成一種俗氣要之右軍二言群言之長也

絳帖平六

得表二謝書具為慰表生誓至都已還未此生至
到之懷吾所也

表謂袁宏二謝謂安萬袁宏嘗從桓温北伐謝安亦嘗
為温司馬右軍當是得袁謝爾時書所也之用當別有
一字袁或是陳郡袁嶠之與右軍謝萬同燕曲水

不得臨川同懸心不可言子嵩之子來數有使與
因得問示之

法書要錄十卷載右軍帖語云僕有至臨川意蓋右軍

嘗為臨川也庚敦字子嵩與王夷甫同遇害黃云子嵩
與右軍不同時然此言其子耳

勞心賢妹大都轉差然想小大皆佳知賓猶尔耿
耿想得夏節佳也念君

賓當是蔡謨家兒報字卷云蔡家賓至法書要錄十卷
載右軍帖語云小大佳否賓轉勝又云得官奴書賓平
安皆若人也

又不能不痛熙荐七政尔復何于求人度政當求

之內事餘理不絕求之一條當有莫不信內然前
塗願具誨之以悟其心

都曇字重熙右軍婦弟為北中郎將戰敗九官而亡七
在升平五年正月右軍亦以是年亡見真誥但未知孰
先後耳或是右軍在後作此帖也存亡者謂曇代荀羨
為北中郎二人相繼早世也陳簡之甚疑此字大意逆
少因羨熙之七感人生之短景貽書高士講求性命之
理故曰求之內事當有莫不久云前途願具誨之以悟

其心似亦謂此按許詢郝愔與右軍皆從仙人許邁遊
此帖當是與邁輩而傳臨之餘字殊忠矣

行成旅以從是月也景風司至星火列宵伯趙鳴
而載陰爽鳩習而揚武時可以升高遠望札可以
出宿餞行有詔具寮爰開祖

此帖六行山谷云恐是虞褚輩早年書定不尔黃云先
輩以為張說送賈至文非也乃賈曾送張赴朔方序中
云備官而行成旅以從下云有詔具寮爰開祖宴且申

後命寵以蕃錫此帖自行字上祖字下皆亡而作艸書
皆不綴屬當集逸少書寫此序耳米亦云自是月以下
偽殊不知行成下已偽矣予按此帖墨跡尚在祕省乃
流俗書非集右軍字

兄靈樞垂至永惟崩慕痛貫心膂痛當奈何計

黃云此帖偽非也但嘗經俗筆臨耳褚氏書目有兄安
晉情事長畢帖右軍不聞有兄乃群從耳

羲之頓首潤別相久眷尖時長寒嚴足下何如想
清豫耳披懷之暇復何致樂諸賢從就理當不踈
吾之朽疾日就羸頓加復風勞諸無意賴促膝未
近東望慨然所冀日月易得還期非遠耳深敬且
音問在數遇信忘處万不一陳

山谷云此好事者戲為之耳書未為甚惡而以亂逸少
則不可如云吾之朽疾行就羸頓皆懷素高閑輩鄙語
日月如馳嫂棄背再周去月穆松大祥奉瞻廊然

永惟悲摧情如切割汝亦增慕省疏酸感

此帖似是右軍語法書要錄中亦載此數語但多不同耳穆松似是王氏兒又一帖誤在鍾繇後云松等墮動亦此人也

建安靈樞至慈蔭幽絕垂三十年永惟慕痛徹五
內永酷奈何無由言苦臨紙摧哽義之報

此帖墨跡在王順伯家傳寶有緒右軍帖傳至今者秘閣尚有二十許軸多唐人鈎臨聞此妙跡恨未得見嘗

見墨本頗勝官帖也帖語亦見法書要錄

此諸賢粗可時見省甚為簡闊遠須思多小患而吾疾篤不得數為歎耳知足下散勢小差此慰無以為喻云氣力故爾復以悒坦想散患得差餘當以漸消息耳吾頃無一日佳衰老之弊日至復不得有所噉而猶有勞務甚勞甚勞

散者何晏所服寒食散解見大令帖

近因鄉里人書想至知故面腫耿今差不吾比

日食意如差而解中故不差以此為至患至不可
勞力數字令弟知問耳

右三帖書有碩挫鋒勢雄勁真右軍名蹟

適重熙書如此果尔乃甚可憂張平不立勢向河
南者不知諸侯何以當之熙表故未出不說

荀侯疾患想當轉佳耳若熙得勉此一役當可言
淺見寔不見今時兵任可處理

郝曇字重熙右軍婦弟按史殷浩北伐以荀羨為北中

即將而羨有疾朝廷以曇為羨軍司加散騎常侍頃之
羨徵還仍除曇為北中即將此帖熙表故未出否荀侯
疾患想當轉佳若熙自勉等語知是彼時作蓋羨北伐
時年二十八殷浩以羨在事有能名故居以重任右軍
所以憂也是時并州刺史張平為符堅所逼奔平陽穆
帝升平二年六月也曇為北中即將在八月此帖右軍
暮年筆

小佳更致問一一適修載書平安

脩載王著之字即耶人虞之弟

慈顏幽翳垂三十年而吾匆匆不知現臨始終不

發言哽絕當復奈何吾頃至匆匆比如下

此帖字畫未為佳然語見法書要錄當是臨失

昨見君歡復無喻然未善恙想宿昔可耳脅中云

何一善消息值周轉勝也耿耿

黃云似是集成字意皆不相屬非也此乃一筆書成初

書數字筆鋒含墨後乃筆乾耳值或作德皆未詳

疾患小差云弘遠俱次逢共寫壞王羲之

此帖非偽逢共寫壞共或作無作共皆非此共字昭然

特摸多第二筆耳弘遠是二人名俱次次含也諸家解

作論詣皆非後卷期已至帖次道字亦如此

承足下遠來已久別欲參慰為染患不能得往間

眷仰情深豈此委具已兩日少可尋冀言展若因

行李願存故舊今遇賢弟還得數張希勞動幸不

恠耳謹此代申不具釋智永

右帖末作釋智永不待能者皆知其非右軍書劉云太宗皇帝豈不曉此釋智永字特取其筆法類右軍耳山谷云是永師書之不臧者以予觀之不類右軍智永亦不肯作此鄙語惡書也此墨跡在秘閣久矣一帖同卷題云右軍書末有知白二字甚昭然可笑然劉無言亦嘗編入秘閣續帖以為王右軍書也殆不可曉

雪候既不已寒甚盛冬至可苦患足下亦當不堪之轉復知州王羲之知遠以當造次逢見此子真

以日為歲足下得審問昔令君

右二帖是右軍書之平平者

苟侯佳否未果就卿許企懷耳安西音信明云過得歸洛也計解有懸休尋

苟侯似謂苟羨安西音信或作安好非安西謂庾亮耳西字狡儉非書之正過得歸洛似言殷浩入洛也然書體不古恐唐人信手所臨就卿許猶世說王大將軍許知君當有分位者念處窮母而復分年當可居情

想反理斷當

且及想至所苦晚差不耿、僕脚中不堪沉陰重
痛不可言不知何以治之憂深力不具王羲之頓
首

右二帖皆右軍書反理斷當以理及觀而斷當也

深以自慰理有大約其思豁之令盡足下句巧憂
之足下殊當憂吾故具示得

吾故具示得具字得字訛不可讀

僕近脩小園子殊佳致果雜葉深可致懷也僕因
行往希見比二處動靜故常患馳情散騎癡轉利
慶至姊故諸惡及側永嘉至奉集欣喜無喻餘可
耳得萃直疏故爾諸惡不差懸憂頓何似未復慶
尋近消息懸心君並何為耶此猶未得盡集理行
大勉逢此無喻

右一帖采以為子敬書黃詔動靜以下方是子敬然予
觀此自是兩帖前一帖乃唐人書所謂近脩小園子儻

國行往皆唐語也觀其筆勢乃與安西音同同一手所
為耳後一帖乃是子敬書敬騎王珣也慶興華直王氏
內外子孫敬帖中多有永嘉謝鐵也

治頭眩腦悶或患癰腫頭不即潰者以此藥貼之
皆良

蚬麻 巴豆 薰陸 石鹽 芎藭 松脂

六物麤搗如米粒許其巴豆三分減一松脂少加
其分頭悶處先剃去髮方寸以帛帖塗藥當病上

帖之周時帖刮上爛皮以生麻油和石鹽塗上當
有黃水出為佳義之上

官帖無頭罔帖惟絳帖有之黃云政和丁酉六月七日
丹陽陳君孝友見過云崇寧間彭諫議君時守潯陽役
兵於山間斫石得一大石中空內有小石即此碑也大
石未破時堅完無際不解何緣中有此碑殊可異也陳
之父時亦官潯陽得此拓本因以見遺視之比絳帖差
縱逆結字互有工拙要之此本當在絳刻前但不知何

土


世所刻按逸少嘗在江州宣晉以後好事者因移寫於石歟竟其蕪沒既久生變為石故是刻藏於石間理不足怪世或以此帖為虞永興書恐未必然或虞嘗臨此書微醜其體予按秘閣續帖有永興與會帖如出一手又其中煩惱字與此惱字相似知是虞臨可信又按晉武帝太康十年置江州所統荆揚地十郡初理豫章至成帝咸康六年移于潯陽逸少嘗在江州蓋是庾亮死後咸康之末即潯陽也詳見郗超帖

宋書作咸康六年移治潯陽續通典

作咸和元年

絳帖平六

卷台平六



享和癸亥

東洋文庫

